

ხელშეკრულება სახელმწიფო შესყიდვის შესახებ № 4/30

სახელმწიფო ქონების განკარგვის ხელშეწყობის მომსახურების შესახებ

შესყიდვა ხორციელდება „სახელმწიფო შესყიდვების შესახებ“ კანონის მე-10¹ მუხლის მე-3 პუნქტის „ზ“ ქვეპუნქტის საფუძველზე.

ქ. თბილისი,

7 ივნისი, 2011 წელი

ერთის მხრივ, სსიპ „საქართველოს კულტურული მემკვიდრეობის დაცვის ეროვნული სააგენტო“ (შემდგომში „შემსყიდველი“), წარმოდგენილი მისი გენერალური დირექტორის მოადგილის ინა ავალიანის სახით და მეორეს მხრივ, სსიპ „საქართველოს ფინანსთა სამინისტროს მომსახურების სააგენტო“ (შემდგომში „მიმწოდებელი“) წარმოდგენილი სააგენტოს გენერალური დირექტორის პირველი მოადგილის გიორგი ბოკუჩავას სახით, ვხელმძღვანელობთ რა საქართველოში მოქმედი კანონმდებლობით, ვდებთ წინამდებარე ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – სსიპ „საქართველოს კულტურული მემკვიდრეობის დაცვის ეროვნული სააგენტო“.
- 1.5. „მიმწოდებელი“ – სსიპ „საქართველოს ფინანსთა სამინისტროს მომსახურების სააგენტო“, რომელიც ახორციელებს მომსახურებას ხელშეკრულების ფარგლებში.
- 1.6. „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „სახელმწიფო ქონების განკარგვის ხელშეწყობა“ – „სახელმწიფო ქონების შესახებ“ საქართველოს კანონის შესაბამისად, სახელმწიფო ქონების ელექტრონული წესით განკარგვის ხელშეწყობა.

2. ხელშეკრულების საგანი

- 2.1. ხელშეკრულების საგანია სსიპ „საქართველოს კულტურული მემკვიდრეობის დაცვის ეროვნული სააგენტოს“ ბიუჯეტის სახსრებით, ამავე სააგენტოს სარგებლობაში არსებული ქონების განკარგვის ხელშეწყობა, ვებ-გვერდზე (www.eauction.ge) განცხადებების განთავსებისა და ინტერნეტ-აუქციონის პროცედურების წარმართვის მომსახურების შესყიდვა (CPV კოდი 72400000) წინამდებარე ხელშეკრულებით გათვალისწინებული პირობების შესაბამისად, გამარტივებული შესყიდვის საშუალებით „სახელმწიფო ქონების განკარგვისას ელექტრონული აუქციონის ჩატარების წესის დამტკიცების შესახებ“ საქართველოს ეკონომიკისა და მდგრადი განვითარების მინისტრის 2011 წლის 10 თებერვლის №1-1/172 ბრძანების საფუძველზე.
- 2.2. გასაწევი მომსახურება წარმოადგენს:
 - 2.2.1 ქონების განკარგვის შესახებ, კანონმდებლობით დადგენილი წესების დაცვით შედგენილი განცხადებების განთავსება, შემსყიდველის მიერ მიწოდებული ინფორმაციის საფუძველზე აღნიშნული პირობების შესაბამისად მიმწოდებლის ვებ-გვერდზე www.eauction.ge.
 - 2.2.2. ინტერნეტ-ვაჭრობის პროცედურების წარმართვა მიმწოდებლის ვებ-გვერდზე www.eauction.ge-ს საშუალებით.

3. ხელშეკრულების მოქმედების ვადა

- 3.1. ხელშეკრულება ძალაში შედის ხელმოწერის დღიდან და მოქმედებს 2011 წლის 31 დეკემბრის ჩათვლით.
- 3.2. ხელშეკრულების მოქმედების ვადა შესაძლებელია შეიცვალოს მხარეთა შეთანხმებით.

4. ხელშეკრულების ღირებულება

- 4.1. ხელშეკრულებით გათვალისწინებული მომსახურების ღირებულება მოიცავს ქონების განკარგვის შესახებ, კანონმდებლობით დადგენილი წესების დაცვით შედგენილი განცხადების

განთავსებას მიმწოდებლის ვებ-გვერდზე www.eauction.ge. და ინტერნეტ-ვაჭრობის პროცედურების წარმართვას ვებ-გვერდის www.eauction.ge საშუალებით.

4.2 ხელშეკრულების საერთო ღირებულება მოიცავს:

ა) ერთი განცხადების განთავსება - 3 ლარი.

ბ) სახელმწიფო ქონების რეალიზაციისას - ვაჭრობის ერთი ინტერნეტ-პროცედურის განხორციელება - სარეალიზაციო ქონების ღირებულების საწყისი ფასის 1%;

გ) სახელმწიფო ქონების სარგებლობის უფლებით გაცემისას - ვაჭრობის ერთი ინტერნეტ-პროცედურის განხორციელება, სარგებლობის უფლების წლიური საფასურის 1%;

4.3 ხელშეკრულების საერთო ღირებულება შეადგენს სავარაუდოდ 500 (ხუთასი) ლარს.

4.4 ხელშეკრულების 4.3 მუხლში აღნიშნული თანხა შეძლება შემცირდეს (დაზუსტდეს) მიმწოდებლის მიერ ფაქტიურად გაწეული მომსახურების შესაბამისად.

5. მომსახურების გაწევის წესი და ადგილი

5.1. შემსყიდველი მიმწოდებლის მიერ დადგენილი ფორმით შედგენილ წერილობითი განაცხადს, მომსახურების გაწევის საჭიროების ყოველ კონკრეტულ შემთხვევაში წარუდგენს მიმწოდებელს.

5.2. მიმწოდებელი ვალდებულია, შემსყიდველის განცხადება, ქონების განკარგვის თაობაზე, განათავსოს ვებ-გვერდზე „www.eauction.ge“, განცხადების წარდგენიდან არაუგვიანეს 5 დღისა.

6. მხარეთა ვალდებულებები

6.1. მიმწოდებელი ვალდებულია:

6.1.1. გაუწიოს შემსყიდველს ამ ხელშეკრულების მე-2 მუხლში მითითებული მომსახურება.

6.1.2. მისცეს საშუალება ინტერნეტ-აუქციონის მონაწილეს თანხა გადაიხადოს ელექტრონულად და გააქტიუროს „www.eauction.ge“ სისტემაში.

6.1.3. აწარმოოს ინტერნეტ-ვაჭრობის პერიოდული მონიტორინგი;

6.1.4. განახორციელოს სისტემის მომხმარებელთა რეგისტრაცია და გაუწიოს მათ სატელეფონო კონსულტაცია ინტერნეტ-ვაჭრობის პროცედურებთან დაკავშირებით.

6.1.5. უზრუნველყოს სისტემის მუშაობის პროცესში წარმოქმნილი შესაძლო ტექნიკური ხარვეზების ოპერატიულ გამოსწორება და სისტემის ფუნქციონალის მორგება შემსყიდველის მოთხოვნების შესაბამისად.

6.2. შემსყიდველი ვალდებულია:

6.2.1. ქონების განკარგვის პროცედურების განხორციელების უზრუნველსაყოფად, დაიცვას „სახელმწიფო ქონების შესახებ“ საქართველოს კანონით დადგენილი მოთხოვნები.

6.2.2. მიაწოდოს მიმწოდებელს სწორი და სრულყოფილი ინფორმაცია განსაკარგი ქონების შესახებ.

6.2.3. ხელშეკრულების მოქმედების პერიოდში არ გაასხვისოს ქონება ან აღნიშნულის შესახებ გონივრულ ვადაში შეატყობინოს სააგენტოს.

7. ანგარიშსწორების ფორმა და წესი

7.1. მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.

7.2. ანგარიშსწორება მიმწოდებელთან განხორციელდება ეტაპობრივად, მიმწოდებლის მიერ ფაქტიურად გაწეული მომსახურების მოცულობის შესაბამისად, საგადასახადო დოკუმენტაციის წარმოდგენისა და მიღება ჩაბარების აქტის გაფორმებიდან არაუგვიანეს 20 დღის ვადაში.

8. ხელშეკრულების ინსპექტირება

8.1. ხელშეკრულების შესრულების კონტროლზე და ხელშეკრულებით გათვალისწინებული მიღება-ჩაბარების აქტების გაფორმებაზე უფლებამოსილი პირია - ნიკოლოზ ანთიმე - სსიპ „საქართველოს კულტურული მემკვიდრეობის ეროვნული სააგენტოს“ იურიდიული სამსახურის უფროსი.

8.2. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება, მიმწოდებლის ბრალის შემთხვევაში, ეკისრება მიმწოდებელს საქართველოს კანონმდებლობით დადგენილი წესით.

9. ხელშეკრულების საგნის მიღება-ჩაბარების წესი

9.1. ხელშეკრულებით გათვალისწინებული მომსახურება ჩაითვლება მიღებულად მხოლოდ მიღება-ჩაბარების აქტის (ან კანონმდებლობით გათვალისწინებული სხვა დოკუმენტაციის) გაფორმების შემდეგ, რაც დასტურდება მხარეების წარმომადგენლების ხელმოწერებით.

10. ხელშეკრულების შეწყვეტა

10.1. შემსყიდველი უფლებამოსილია უარი თქვას წინამდებარე ხელშეკრულებაზე და მოითხოვოს გაწეული ხარჯების ანაზღაურება მომსახურების ხელშეკრულებით გათვალისწინებული ხარისხის მნიშვნელოვანი დარღვევის (გამოუსწორებელი ნაკლის, ისეთი ნაკლის, რომლის გამოსწორება შეუძლებელია განსაზღვრული მატერიალური და გონივრული დანახარჯების გარეშე, ან რომელიც კვლავ აღმოჩნდება ნაკლის გამოსწორების შემდეგ) შემთხვევაში.

10.2. შემსყიდველი უფლებამოსილია მთლიანად ან ნაწილობრივ შეწყვიტოს ხელშეკრულება მიმწოდებლისათვის წერილობითი შეტყობინების შემდეგ იმ შემთხვევებში, თუ:

ა) ხელშეკრულებით გათვალისწინებულ ან შემსყიდველის მიერ გაგრძელებულ ვადაში მიმწოდებელს არ შეუძლია მომსახურების სრულად ან ნაწილობრივ მიწოდება;

ბ) მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;

გ) შემსყიდველისათვის ცნობილი გახდა, რომ მისგან დამოუკიდებელი მიზეზების გამო, იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ე) საქართველოს კანონმდებლობით გათვალისწინებულ სხვა შემთხვევებში.

10.2. მიმწოდებელი უფლებამოსილია შეწყვიტოს ხელშეკრულება იმ შემთხვევაში, თუ მომსახურება ხორციელდება ეტაპობრივად და უკვე გაწეული მომსახურებების თანხის გადაუხდელობისათვის, შემსყიდველისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 10 (ათი) პროცენტს.

11. მხარეთა პასუხისმგებლობა

11.1. ფორსმაჟორული გარემოებების გარდა, ხელშეკრულებით გათვალისწინებული ვალდებულებების შეუსრულებლობის ან არაჯეროვანი შესრულებისათვის მხარეებს დაეკისრება პირგასამტეხლოს გადახდა ყოველ ვადაგადაცილებულ დღეზე შეუსრულებელი ვალდებულების ღირებულების 0,01%-ის ოდენობით.

11.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 10 (ათი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

11.3. პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.

12. ფორს-მაჟორი

12.1. მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის თუკი, შეუსრულებლობა გამოწვეულია ფორს-მაჟორული გარემოებებით.

12.2. ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, მომსახურების მიწოდებაზე ემბარგოს დაწესება, სახელწიფო გადატრიალება; კიბერშეტევა, ელექტრონული დივერსია და სხვ.).

12.3. ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულების

შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისაგან.

13. ხელშეკრულებაში ცვლილებების შეტანის და შეწყვეტის წესი

13.1. ხელშეკრულებაში ნებისმიერი ცვლილების ან დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

13.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

13.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

13.5. ხელშეკრულების 13.4 პუნქტით გათვალისწინებულ შემთხვევაში ინიციატორი მხარე ვალდებულია გადაწყვეტილების მიღების განზრახვის შესახებ არანაკლებ 10 სამუშაო დღით ადრე წერილობით აცნობოს ამის შესახებ მეორე მხარეს.

14. დავების გადაჭრის წესი

14.1 ამ ხელშეკრულების შესრულების დროს წამოჭრილი ყველა დავა შეძლებისდაგვარად გადაიჭრება მხარეთა შორის მოლაპარაკების გზით.

14.2 შეთანხმების მიუღწევლობის შემთხვევაში, მხარეები უფლებამოსილები არიან უფლებამოსილები მიმართონ საერთო სასამართლოებს მოქმედი კანონმდებლობის შესაბამისად.

15. დასკვნითი დებულებები

16.1 ხელშეკრულება შედგენილია სამი თანაბარი იურიდიული ძალის მქონე ეგზემპლარად, (ორი რჩება შემსყიდველს, ერთი – მიმწოდებელს). რომელთაგან თითოეულს აქვს თანაბარი იურიდიული ძალა.

მხარეთა რეკვიზიტები:

შემსყიდველი

სსიპ „საქართველოს კულტურული მემკვიდრეობის დაცვის ეროვნული სააგენტო“
მის: ქ. თბილისი, თაბუკაშვილის #5
სახელმწიფო ხაზინა
კოდი: 220101222
ა/ა № 200122900
ს/კოდი: 204562311

მიმწოდებელი

საქართველოს ფინანსთა სამინისტროს
მომსახურების სააგენტო
ქ. თბილისი, გ. გულუას ქ. #4
სკ 205081249
სს „ლიბერთი ბანკი“
ბანკის კოდი LBRTGE22
ანგარიშის № GE54LB0121192433146000

გენერალური დირექტორის
მოადგილე

ინა ავალიანი



გენერალური დირექტორის
პირველი მოადგილე

გიორგი ბოკუჩავა

